

24.12.2019 12:05:19

Na osnovu člana 32. Zakona o javnim nabavkama Bosne i Hercegovine („Sl.glasnik BiH“ 39/14), a nakon provedenog otvorenog postupka nabavke roba: **LOT 2035B Ukapljeni naftni plin LPG sa sukcesivnom isporukom za potrebe KJKP „GRAS“ d.o.o. Sarajevo, zaključuje se**

### OKVIRNI SPORAZUM O NABAVCI ROBE

- LOT 2035B Ukapljeni naftni plin LPG -

Između :

1. **Kantonalno javno komunalno preduzeće „Gradski saobraćaj“ d.o.o.Sarajevo, Sarajevo, ul. Srđana Aleksića br.1, ID broj: 4200055640002, PDV broj: 200055640002, transakcijski račun broj: 1540012000237552, koga zastupa V.d. Generalni direktor Ismet Kapo dipl.ecc., s jedne strane / u daljem tekstu: Ugovorni organ/**
2. **« HIFA PETROL » d.o.o. Sarajevo, ul. Hotonj bb Vogošća, Reg br. UF/I -2648/04, ID BR. 4200999090005, PDV BR. 200999090005, TR.RN.BR. 3385502203296597 kod UniCredit Bank d.d., koga zastupa Hajrudin Ahmetlić direktor, / u daljem tekstu Dobavljač / s druge strane.**

#### I PREDMET OKVIRNOG SPORAZUMA

##### Član 1.

Ovim okvirnim sporazumom ugovorene strane regulišu okvirna pitanja vezana za realizaciju nabavke robe: : **LOT 2035B Ukapljeni naftni plin LPG** .

##### Član 2.

Predmet ovog sporazuma je sukcesivna nabavka roba: **LOT 2035B Ukapljeni naftni plin LPG** od dobavljača **« HIFA PETROL » d.o.o. Sarajevo** kojem je, na osnovu Ponude broj: JN-4662/19 dodijeljen Okvirni sporazum Odlukom Ugovornog organa broj 04/569 od 29.11. 2019. godine, postupak proveden po otvorenom postupku javne nabavke pokrenut Obavještenjem o nabavci broj: 257-1-1-247-3-218/19 na portalu Agencije za javne nabavke i u „Službenom Glasniku BiH“ broj: 73/19 od 1.11. 2019. godine.

#### II CIJENA, OBRAČUN, PLAĆANJE I GARANCIJA NA IZVRŠENJE UGOVORA

##### Član 3.

- (1) Dobavljač se obavezuje da će Ugovornom organu isporučiti robu iz Člana 1. ovog Sporazuma, pod uslovima i kao što je naznačeno u prilogu ovog Okvirnog sporazuma (Aneks 1, Aneks 2 i Aneks 3), koji čine njegov sastavni dio.
- (2) Vrijednost nabavke prema Planu nabavke roba, usluga i radova KJKP „GRAS“ d.o.o. za 2019. godinu iznosi **550.000,00 KM** bez PDV-a .
- (3) Vrijednost nabavke po ovom Okvirom sporazumu za period od 12 /dvanaest mjeseci) iznosi **352.500,00 KM** bez PDV-a, odnosno **412.425,00 KM** sa uračunatim PDV-om.
- (4) Jedinična cijena robe sa popustom i pripadajućim porezom u KM, koja je predmet ovog Okvirnog sporazuma iznosi 0,735 KM/litar, kao što je naznačeno u prilogu ovog Okvirnog sporazuma - Aneks 2 koji je sastavni dio sporazuma.
- (5) Popust u iznosu 0,03 KM/litar, koji je Dobavljač iskazao na svaki litar goriva, **Ukapljeni naftni plin LPG**, je nepromjenjiv i važeći je za cijelo vrijeme trajanja okvirnog sporazuma.
- (6) Plaćanje: **žiralno, 60 dana od dana ispostavljanja fakture**



- (7) Okvirni sporazum se zaključuje na period od 1 (jedne) godine, od dana njegovog potpisivanja, odnosno maksimalne financijske vrijednosti okvirnog sporazuma navedene u stavu (2), a najkasnije do zaključivanja novog okvirnog sporazuma sa najpovoljnijim ponuđačem za naredni period.

#### Član 4.

Na osnovu ovog okvirnog sporazuma ugovorne strane će zaključiti pojedinačne ugovore kojima će se bliže regulisati prava i obaveze za realizaciju ovog okvirnog sporazuma. Pojedinačne nabavke, odnosno Ugovor obavezno će biti pod uslovima utvrđenim u tenderskoj dokumentaciji i prihvaćenoj ponudi. Sve što nije regulisano ovim sporazumom ili pojedinačnim ugovorom sklopljenim na temelju ovog sporazuma primjenjivat će se odgovarajuće odredbe Zakona o obligacionim odnosima.

#### Član 5.

- (1) Dobavljač je obavezan nakon potpisivanja Okvirnog sporazuma, u roku od 7 dana dostaviti безусловnu bankovnu garanciju naplativu na prvi poziv u iznosu od 5% vrijednosti Okvirnog sporazuma.
- (2) **Ukoliko Dobavljač ne dostavi безусловnu bankovnu garanciju iz stava 1. ovog člana, primjenjivat će se odredbe člana 125. Zakona o obligacionim odnosima.**

#### Član 6.

U okviru perioda važenja Okvirnog sporazuma koji je naveden u Članu 3. za pojedinačne nabavke neće se primjenjivati odredbe propisa kojima se uređuje postupak javne nabavke.

#### Član 7.

- (1) Cijene iz ovog sporazuma su promjenjive u toku važenja okvirnog sporazuma. Kod eventualne promjene u skladu sa zakonskim propisima u Bosni i Hercegovini ili kretanjima cijena na svjetskom tržištu dobavljač se obavezuje da će ugovornom organu dostaviti dokaz o promjeni cijene izdatog od nadležnog Ministarstva o važećoj cijeni za **Ukapljeni naftni plin LPG** koje je predmet ove nabavke.
- (2) Obrazac o dostavi Obavještenja o promjeni cijena i marži (OPC i OPM) priložen u ponudi sa određenog prodajnog mjesta (lokacija pumpe) koji je izabrao ponuđač, u toku trajanja Okvirnog sporazuma, mora biti sa istog prodajnog mjesta (pumpe) do okončanja okvirnog sporazuma.

### III MJESTO, ROK, NAČIN ISPORUKE I KVALITET ROBE

#### Član 8.

- (1) Dobavljač se obavezuje da će robu koja je predmet ovog Okvirnog sporazuma isporučiti Ugovornom organu kako je naznačio u svojoj ponudi
- (2) Dobavljač će isporučivati, a Ugovorni organ preuzimati ugovorenu robu sukcesivno, prema dispoziciji Ugovornog organa, a na temelju narudžbenice i pismenog zahtjeva za određenu količinu robe.
- (3) Dobavljač se obavezuje da će gorivo koje je predmet isporuke biti kvalitete utvrđene važećim propisima o kvaliteti istog u Bosni i Hercegovini.
- (4) Dobavljač se obavezuje da će vršiti odoriranje goriva.
- (5) Ugovorni organ ima pravo kontrole kvaliteta goriva putem ovlaštene laboratorije za kontrolu kvaliteta. Ukoliko se ustanovi da kvalitet isporučene robe nije u skladu sa propisanim standardom koji reguliše predmetnu oblast Ugovorni organ nije obavezan platiti isporučenu robu.



ZAVRŠEN 12.12.19

**Član 9.**

(1) Kvantitativni prijem robe iz ovog sporazuma vršiti će se na način da se prilikom svakoga pojedinačnoga istakanja LPG ukapljeni naftni plin izda otpremnica na kojoj će biti naznačen datum, vrijeme, količina isporučenog LPG ukapljenog naftnog plina i registarski broj vozila. Otpremnica mora biti obostrano potpisana. Otpremnica mora biti ovjerena od strane Dobavljača.

**IV ZAVRŠNE ODREDBE**

**Član 10.**

Odredbe ovog Okvirnog sporazuma ne mogu se mijenjati nakon njegovog zaključivanja u pogledu vrijednosti ili maksimalnih okvirnih količina navedenih u Tehničkim podacima i elementima ponude (Aneks 3).

**Član 11.**

Ukoliko dobavljač u toku realizacije pojedinačnih ugovora o nabavci robe na bilo koji način neuredno ispunjava preuzete ugovorne obaveze, a naročito u pogledu utvrđenih rokova isporuke, kvaliteta i kvantiteta robe koja je predmet ovog Okvirnog sporazuma, Ugovorni organ ima pravo aktivirati Garanciju za uredno izvršenje ugovora.

**Član 12.**

Sve eventualne sporove ugovorne strane će rješavati mirnim putem, a ukoliko to nije moguće za rješavanje spora nadležan je Općinski sud u Sarajevu.

**Član 13.**

Ovaj okvirni sporazum stupa na snagu danom potpisivanja obje ugovorne strane.

**Član 14.**

Ovaj okvirni sporazum sačinjen je u četiri /4/ primjerka, od kojih ugovorni organ zadržava tri /3/, a dobavljač /1/ primjerak.

**ZA UGOVORNI ORGAN  
V.D.GENERALNI DIREKTOR**  
*[Signature]*  
Ismet Kapo dipl.ecc.

**ZA DOBAVLJAČA  
DIREKTOR**

*[Signature]*  
Hajrudin Ahmetlić



Supotpisnik:

*[Signature]*  
Mr.sci. Almir Ahmetpahić dipl.ing.saob.

Broj: 2264/19  
Datum: 12.12.19

Broj: 18120  
Datum: 10.12.19.